

მეუფე იაკობი - ყველას მოვუნოდებ, რაღაცაზე თავი შევიკავოთ, თორემ მე ერთი ვეყოფი, კი არ ვიმუქრები, მაგრამ მეც შემიძლია გამოვააშკარავო, ვინ, რას, როგორ და რისთვის აკეთებს



ბოდბელი ეპისკოპოსი, მეუფე იაკობი აცხადებს, რომ მედიას ზოგჯერ ხელმძღვანელობის მხრიდან „დაკვეთის“ შესრულება უწევს.

მეუფე იაკობმა ბოდბის მონასტერთან დაკავშირებით ტელევიზიით გავრცელებულ ინფორმაციაზე ისაუბრა.

„გასაგებია, რომ ზოგჯერ, „დაკვეთაც“ მოდის, თქვენ რომ არ გინდათ, ესეც ვიცი, მუშაობთ და „გავალებენ“ და იმასაც აკეთებთ. როცა ტელევიზიები გადმოსცემენ, რაღაცას დაინახავენ და რა ცუდი ყოფილაო. მე რომ პირი დავალო და იმ ტელევიზიის მეპატრონეებსა და იმ პარტიებზეც, ხომ იციან, მაგათზე მეტი ვიცი და სხვაგან მოსმენითაც მომისმენენ, სადაც მაგათ არ უსმენენ. სადაც წლები სჭირდებათ, რომ

რალაც დაეხმარონ.

ჩვენები არიან, ქართველები არიან. რა არის, ამ ბოლო დროს, დედებსა და ქალებზე რომ წავიდა შეტევა? ბოდბის მონასტრის მსგავსი მონასტერი ბევრი გინახავთ საქართველოში ან მსოფლიოში? ვის ებრძვით? ვისი წინაპრების, ვისი მამაპაპისეული ადგილი იყო?

ტელევიზიით მოვისმინე, როგორ შეიძლება, წმინდა ნინოს სამფლობელოსთან, თურმე, წმინდა ნინოს ახალი ტაძარი სადაც აშენდა, ვილაცის მამაპაპისეული მიწა იყო. როგორ იყო, როგორ შეიძლება? სირცხვილი აღარ არის? ქართველი ადამიანი, იდიოტები არ ვართ, ყველამ კარგად ვიცით, რისთვის ხდება“, – განაცხადა მეუფე იაკობმა.

მან ყველას თავშეკავებისკენ მოუწოდა.

„ყველას მოვუწოდებ, ვინაიდან მშვიდობისკენ მივდივართ, რალაცაზე თავი შევიკავოთ, თორე, მე ერთი ვეყოფი იმათ, ყველას. კი არ ვიმუქრები, მაგრამ მეც შემიძლია ისე გავაკეთო, რომ გამოვააშკარავო, ვინ, რას, როგორ და რისთვის აკეთებს.

დღეს ბევრი უნდა ვიშრომოდ, რადგან ცოტა ხანში თუ გაჭირდება, საჭმელს არავინ არ მოგვითანს. ღმერთს უნდა ვანახოთ, რომ შრომა გვინდა და ვშრომობთ. ღმერთი დაგვეხმარება და შიმშილი, ის რაც მსოფლიოში აუცილებლად იქნება, უფალი აგვარიდებს. დაავადებიდან ხომ ღირსეულად გამოგვიყვანა – ხელისუფლება, ექიმები, ოპოზიცია, მოსახლეობა. ღირსეული ვართ, მოდი, ერთმანეთის ჭამას თავი დავანებოთ.

ჩვენ ეკლესია ვართ და არ ვკადრულობთ, რომ ძალის დემონსტრირება გავაკეთოთ. ამისგან ჯვარი გვწერია. მოძალადე ქრისტე არ იყო და ჩვენ ვერ ვიქნებით, მაგრამ ის კი შეგვიძლია, რომ ვილაცებისგან დავიცვათ, სრული სახე წარმოვაჩინოთ, მაგრამ ეს არ გვინდა. მგონი, ეს თქვენს ინტერესებში შედის. ღმერთთან ბრძოლას თავი დავანებოთ“, – განაცხადა მეუფე იაკობმა ქადაგებისას.